

第一一七册

方輿彙編

職方典

松江府部

常州府部

(卷)

200-201

202-203

古今圖書集成

中華書局影印

欽定古今圖書集成方輿彙編職方典

第七百卷目錄

松江府部彙考十二

松江府物產考二

職方典第七百卷

松江府部彙考十二

松江府物產考二

府志

藥屬

枸杞 一名苦杞其莖幹三五尺作叢六七月

生小紅紫花隨結紅實微長如棗核其根名地

骨皮詩云集于苞杞是也

菖蒲 春生青葉長一二尺許其葉中心有脊

狀如劍一寸九節者良亦有一寸十二節者二

三月開細黃花成穗多服令人延年益智

麥門冬 陶弘景曰根似橫麥故名葉青似莎

草長及尺餘四季不凋根黃白色有鬚在根如

連珠形四月開淡紅花吳地者尤佳

香附 卽莎草根韭畦藍地最多

瓜蒌 三四月生苗七月開花淺黃色結實在

花下九月熟其根直下潔白如雪名天花粉

牽牛 陶弘景曰此藥始出田野人牽牛謝藥

因名花如扁豆微紅帶碧有黑白二種

薄荷 揚雄甘泉賦作茝括俗稱薄荷今存之
二月宿根生苗清明分種方莖赤色蘇州所特
莖小而氣芳豫蜀俱不及

紫蘇 爾雅名桂荑二月下種八月開細紫花
成穗作房九月半枯時取子以表裏俱紫者良

車前子 詩名茅苕陸機詩疏云此草好生道
旁故有車前之名夏采苗秋采實除入藥外亦

有采食者俗謂之蝦蟆菜

天南星 一名虎掌以其葉似又李時珍曰其
根圓白形如老人星故名三四月生苗高尺餘

七月結子作穗九月采根四畔有圓芽

金沸草 本旋覆花葉似水蘇花黃如菊二月

以後生苗水次長一二尺其根細白采花去藥

用以佐藥

艾 王安石字說艾可又疾字從父又草部也

故從草用灸百病以苗短爲良五月五日采取

陳久者益妙

夏枯草 一名夕句又名乃東冬至後生葉三

四月開花作穗苗高一二尺有養厥陰血脉之

功

澤蘭 根紫黑色如粟根二月生高二三尺莖

幹青紫色葉四稜冬生卑溼地

槐實 槐有數種功用有別四月開黃花六月

結實七月七日採嫩實十月採老實李時珍曰

槐虛星之精服之長生梁書庾肩吾常服槐實

年七十餘其驗也

甘菊 有三種花大而香者爲甘菊生金匱橋

者良小而黃者爲黃菊花小而氣惡者爲野菊
初春布地生細苗夏茂秋華味甘故名

瞿麥 子頗類麥故名苗高一尺葉尖小青苞

根紫黑色形如細蔓菁花紅紫似映山紅二月

開至五月七月結穗廣雅稱此麥

半夏 禮記月令五月半夏生蓋當夏之半也

故亦名守田二月生苗一莖端三葉淺綠色祗

痰聖藥

高良薑 陶弘景曰始出高良郡故名春生莖

莖如薑苗而大高一二尺許花紅紫色如山薑

芎藭 左傳所謂山鞠窮亦名藤蕪冬夏叢生

五月花赤七月實黑九月採之乃佳舒學壯

骨以蜀產爲勝本地所產力薄不能效

大薊 薊猶馨也其花形似莖高三四尺花頭

如紅藍花而青紫色薊門以薊得名大抵以北

方者良

紫花地丁 夏開紫花結角平地生者起壟溝

壑邊生者起壟開小白花者場家功效

山慈姑 卽金燈花根酉陽雜俎云金燈花與

葉不相見又謂無義草冬月生葉如水仙而狹

二月中葉枯而花發四月苗枯取根用

蓖麻子 夏生苗葉似葎草而大莖亦有節高

丈餘秋生細花即結實殼上有刺夏採莖葉秋

採實冬採根

豬苓草 楚人呼豬爲豬呼草氣辛毒爲食如

豬而味酸故名葉似酸漿而狹長花黃白色本

草云有輕身耐老之功俗呼火吹草

馬蘭 葉似蘭而大花似菊而紫叢生道旁二月生苗赤莖白根長葉而有刻齒狀花苦不香人咸採治爲俎

香薷 有野生有家時三月種之可充蔬品葉如茵陳花茸紫凡四五十房爲一穗頗有香氣淡竹葉 春生苗高數寸細莖綠葉儼如竹八九月抽莖結小穗花開冷翠可愛

生地 二月生葉有皺文而不光高者尺餘低亦三四寸其花紅紫色亦有黃花

牛膝 春生苗莖高二三寸青紫有節如鶴膝節上生花作穗秋結實甚細以根長大至二三尺而柔潤者爲佳

大黃 正月生青葉四月開黃花有推陳致新之功亦稱將軍

商陸 有赤白二種白者入藥赤者可造厭勝以視鬼神廣雅謂之馬尾易謂之竟陸卽此

何首烏 一名交藤又名夜合葉有光澤形如桃柳法製服延年烏髮輕身駐顏其功效不可具述

香附子 卽莎草根

蛇牀子 蕙以仁

荆芥 嘉禾志出松江者良

木屬 桑 有數種地產止白桑葉大如掌可飼蠶吾松紡織木棉不力蠶事有稻田而無桑林乃夏稅有絲綿之賦並未始出于桑也
榆 亦數種惟細葉者堅韌宜爲農器謂之綿

榆白者名粉榆榆莢仁作糜羹令人多睡嵇康所謂榆令人瞑也

黃楊 枝葉攢簇上聳葉似初生槐芽不花不實四時不凋性難長俗歲長一寸遇閏則退今試之但閏年不長耳其木堅膩可作梳雕印凡取伐須以陰晦夜一星不見則不裂

槐 蘇頌曰有數種葉大而黑者名懷槐晝合夜開者名守宮槐生于季春五日而免目十日而風耳更旬始現二旬葉成

楊柳 在處有之以垂條拂地者爲佳楊枝葉短柳枝葉長陶朱公曰種柳千樹可供柴炭其嫩芽可作飲湯

檀 最堅重有黃白二種農時以放葉開花爲雨候俗謂等水檀花色正紫其根如葛

松 李時珍曰松樹樛柯修條多節其皮粗厚有龍鱗形二三月抽莖生花垂四五寸採花蕊搓作粉可糝入晶飯清芬絕人一種名栝子松惟亭林寶雲寺余山昭慶寺二本極大今亡

柏 側葉赤皮魏子才六書精蘊云萬木皆向陽而柏獨西指蓋陰木而有貞德者其枝指西猶鍼之指南也

杉 似松而葉短身形上聳而直幹

檜 柏葉松身又一種枝細而長玲瓏下垂謂之瓔珞檜質堅紋細可作楫櫂

棘 李時珍曰獨生而高者曰棗列生而低者曰棘叢高二三尺莖葉與棗似

楮 俗稱穀樹楚人呼乳曰穀木中白汁其黏

如乳故名楮皮可爲布又可搗爲紙或曰皮斑是楮皮白是穀良然

烏柏 樹高數仞葉似梨杏五月開細花結子色黑人家雜種陂澤旁採子蒸煮取脂澆燭貨之子上油脂勝于仁霜葉朱赤

椒 人家沿蔓籬落間結子甚細都無芳香終遜川蜀之產

石楠 一名楠木性堅而善居水江南造船皆用之直上童童若幢蓋之狀其花赤黃色

冬青 身葉俱似桂凌寒不彫一名女貞亦謂之萬年枝

梧桐 蘇頌曰白桐一名椅桐通甲書梧桐可知日月正閏四月開嫩黃小花其莢長三寸許五片合成老則裂開如箕謂之囊鄂其子綴于囊鄂剝剝如菱芡

樸 似榆而葉大俗呼樸榆散材也

棕櫚 木高丈許無枝條葉大而圓有如車輪萃于樹杪其下有皮重疊裹之每皮一匝爲一節二旬一採皮轉剝轉生六七月生黃白花八九月結實作房如魚子九十月採皮用其皮作繩入水千年不爛棕本作櫟

柘 埤雅柘宜山石故從石叢生幹疎弓人取材以柘爲上

椿 樹高聳而枝葉疎與樗不異葉香者椿葉臭者樗也

梓 埤雅梓爲木中之王詩小雅維桑與梓梓似楸也又名香梓其角細長如箸亦類類

棟 有二種黃棟抽嫩芽時鹽漉漬點茶最香
旨至三四月開花紅紫甚芬郁

榮 俗名烏樓又名夜合其華每夜必合色如
紅絨又名合歡猶康養生論合歡獨念萱草忘
憂蓋指此也

竹屬

簕竹 本末停勻節朗梢長解爲簕作繫束之
物甚堅密笋色碧宜作脯煮食不甚佳

黃蘗竹 節目疎聳皮黃力韌爲篋器良材

筍竹 古稱出吳越即今晚筍李時珍曰筍竹
茹可治勞熱梅堯臣詩侵天筍竹溪西東

大頭竹 即筍類質稍瘦皮略黃笋味帶苦食
時不宜生水洗

方竹 據顧文僊清舊志云澧州多以此爲臺
桌昔時園圃多植之方而有節鬚芽四出松郡
亦僅見

斑竹 青質黑文點點如畫相傳湘君泣于蒼
梧之野淚痕灑竹而成未可盡信但秀挺可愛
紫竹 初解箨猶青久之始變亦不甚紫微帶
黑色

黃金間碧玉竹 逐節色青黃間可玩

燕竹 竹笋最早燕至即生故名笋味甘腴

護居竹 俗名哺雞竹人家多植屋後故名皮
日休公齋新竹詩有云笠澤多異竹移之植後
極陸龜蒙詩云昔者尚借宅倘來處賓庭俱寓
護居之意笋白如截肪甘香潔白在諸笋之上

象牙竹 以笋白得名

鳳尾竹 以形似得名宜庭除植之或瓦甌中
殊有蕭疎之致

慈竹 即桃枝竹俗呼慈孝竹鄉聚家家種之
陸機草木疏南方子母竹是也竹譜云慈竹笋
四時俱生寒則顯生溫竹夏則隱生清竹有子
母相生溫清之義杜甫詩慈竹春陰覆是也

海桃竹 青龍人家有之竹屋多以爲椽經久
不蛀

王莽竹 種最大而節間促二十餘節方生枝
葉近根有一錢痕俗傳王莽藏銅瓦其中以爲
識云

毛竹

籐竹 金竹 銀竹

觀音竹 棕竹 羅漢竹

花屬

牡丹 自宋來盛于吳下吾鄉明初曹明仲所
譜十五品最奇並傳洛京舊種近歲所植惟壽
安樓子二三種深紅已爲難得餘不復見矣

芍藥 有三種桃紅重臺者爲上品純白者爲
中品上海人家有一叢四五十朵者有紅樓子
間白名玉帶圍

菊 品類滋多元李明復菊莊所蒔三十種各
有名稱可譜

薔薇 有紅白雜色皮日休泛舟詩淺深還看
白薔薇有一種黃薔薇種甚貴格韻尤高

郁李 瑞香 迎春

辛葬 即木筆無色無香亦屬下品

金鳳 即鳳仙有白紅紫三種色不甚艷亦無

香子名急性

萱 即鹿葱有錦蜜二種用鹽湯漬之可充蔬
菜中物

菜中物

錦帶 石竹 玉簪 金錢

芙蓉 即拒霜有大紅桃紅白三種更有四面
俱花者又有一本而自朝至暮三變其色者名
三醉芙蓉

水仙 有單葉重臺單葉者金盞銀臺香與態
俱可愛

罌粟 花有五色四月花開嬌艷非常但不耐
久一種稍小名虞美人

洛陽花 一作落秧或云即麗春

刺桐 金梅槐

玫瑰 花色正紫穠香郁烈搗之可作糖醬極
美

紫藤 即紫葳柔枝延蔓不能自斡挺幹大率
施于灌木開花作房垂如瓔珞又如紫步幃

蛺蝶花 紅色即射干

高良薑 青蓮色

薔荷花 即白梔子

蜀葵 種各異有五色及千葉單臺又小者名
錦葵品最下

黃葵 俗呼黃羅傘

秋海棠 最鮮妍可愛

紫槐 俗名鬢邊嬌

紫荊 色紫天趣絕少亦無香味花中最下品
木槿 有紫白二種一名日及又名朱槿

桃花 花色豐艷千葉而大紅者名絳桃白者碧桃又有人面桃諸種大抵色麗而姿粗

梅花 有紅梅綠萼玉蝶三種玉蝶有西施照水二名上海西北梅源市種植最多每春時花開晴雪千村暗香十里不減吳中鄧尉

臘梅 花開冬杪且近梅時故名以磬口檀香種為貴荷花口為次九英最下香氣酷烈

海棠 以棠梨過枝接本者為佳最為妍麗各西府海棠若垂絲貼梗其腰婢也郊西廣濟橋東北少參陳承一園有西府海棠蔭畝餘開時最為濃麗多游觀者

玉蘭 大率辛彝過枝接成色白璚珣清香披拂臨風亭亭可喜

繡毯 另小者為麻毯團簇周圍色碧白丁香

木香 枝葉如薔薇有黃白二種其花芳馥異常宜于閨閣中簪戴

月季 色淡紅月開一度隆冬霜雪中亦不輟佛見笑 桃紅色開時如笑

棣棠 開小黃花無香盈盈如黃蝶

茶藤 花色白微香暮春方開唐人詩有開到茶藤花事了句

百合 有虎皮麝香二種麝香花色佳虎皮根實可啖

荷花 人家植陂塘中夏月抽葉開花亭亭出水饒有風致亦宜植瓦沼中

梔子花 梵書名薝蔔花香甚郁烈

虞美人 草本中最柔弱者相傳虞姬滴淚所化其濃艷相似

石榴花 有大紅桃紅淡白三種千葉者名餅子石榴色如火不實

紫薇 俗名百日紅亦有淡紅藍白諸色夏開至秋暮不斷

木樨 有黃白紅三種紅者謂之丹桂取其花焙茶作餅藏之經歲香不歇

山茶 有楊妃寶珠紅白諸種春初百卉未榮點綴庭堦殊有幽致

雜植 舊志云宋時鄉人始傳其種于烏泥涇鎮今沿海高鄉皆種之有白有紫有早有晚惟棉多核細者為第一實方結尚青者俗呼花鈴子其方藥未花者曰花盤穰之晚結無棉者曰僵囊新花秤朵一朵重八釐以上者花貴不及八釐者花賤鄉人隨其大小驗之

藍 即馬藍爾雅曰歲出青龍南北刈其葉漚為靛可以染青俗謂之青秧清明種五月黃梅時刈歲凡三四刈

藍靛 藍類種自崇明至如蒿而紅多靛

淮青 藍類種自淮靛早而紅

黃麻 芋麻 種之擷其皮皆可為繩索

黃草 可織履

燈草 心白炷燈所用亦可入藥其殼編以為蓑今郊西水田多種之

蒲 作包以裹木棉細織者包米

蘆 可為箔及簾小曰葵大曰葭所謂兼葭蒼蒼即此

茶 余山神山近皆種之

天竹 一名慎火又名天燭冬月結子垂垂如赤珠名鬼面者尤佳

畜屬 牛 在畜屬土在卦屬坤為陰故牛蹄病則立陽勝也起先後足臥先前足從陰也周禮謂之太牢內則謂之一元大武

馬 其字象頭髦尾足之形牡馬曰騊牼馬曰騾去勢曰騾名色甚多梵書謂之阿淫婆

騾 李時珍曰古文作羸從馬從羸諸聲牡騾交馬而生者曰騾牡馬交驢而生者曰驢驢驢

驢 夜鳴應更漏善馱負

羊 土生者名杜羊最肥美董子曰羊祥也故吉禮用之內則謂之柔毛青浦艾祁產者美耳有兩環

豕 坎為豕水畜而性趨下喜穢

犬 其用有三田犬長喙善獵吠犬短喙善守食犬體肥供饌豺見之則跪虎食之則醉

貓 李時珍曰字有苗茅二音自呼其名婢雅云鼠害苗而貓捕之故字從苗

雞 家雞屬陽先鼓翼而後鳴野雞屬陰先鳴而後鼓翼無外腎而虧小腸有五德之譽

鴨 本名鶩性質樸而無他心故為庶人之贊曲禮云庶人執匹雙鶩也亦自呼名

鵝 有蒼白二色及大而垂胡者並綠眼黃喙

紅掌善關其鳴夜應更漏

禽屬

鶴 忘懷錄鶴惟華亭鶴窠村所出為得地他雖有凡格也瘞鶴銘亦謂壬辰歲得之華亭鶴窠即下沙至今多鶴嘗詢之士人實自海東來馴養久乃生雛以足有龜紋者為貴韓偓詩正憐標格出華亭况是昂藏入相經又皮日休云華亭鶴聞之舊矣及來吳中以錢半千得隻鶴養以經歲後失而悼以詩

鴈 湖泖陂澤皆有之與野雞鵲鴒皆為土貢鷹 所謂爽鳩秋冬間土人設網張媒於東北諸山捕之間得翹俊直擬兼金其性爽猛而驚臥鳥 秋暮有之埤雅鴒大如班鳩綠色今謂之畫鳥聲之誤也其肉美可為羹雁又可為炙因其來自海南困頓集林木若睡臥云又一種為烏鴒白脰者為鬼雀反哺者為慈烏

野雞 即雉也出東南鄉草地一名華蟲因羽毛陸離故名又曰疏趾有痼疾者忌食烹為脯腊以奉蒸嘗燕享

野鳬 出華亭陂澤間吳地記云石首冬化為鳬頭中有石一名鳬有小而好沒水者名鶩鶩文雞 出草澤間以身有文彩名俗訛呼門雞又稱悶雞或云即蚊母鳥也

鴝鳩 即班鳩俗名鴝哥雄鳩鳴晴雌鳩鳴雨性慈孝而不能為巢

黃雀 每歲秋時山蕩北鄉有之吳地記小魚

長五寸許秋社化為黃雀味腴美至則土人競作餅相遺服白朮者忌之同時西北山野間有鳥名刺毛鶩肥美土人亦以為珍品

鴝鵒 俗謂之灰鶴形如鶴而小蒼色

鵲 亦如鶴無丹頂不善暖

鵲 能報喜故云喜鵲上下飛鳴以音感而孕

季冬始巢名乾鵲

鴿 性淫而易合故名鴿者其聲也張九齡以鴿傳書目為飛奴

鵲鵲

百舌

鶯鶯 一名春鋤潔白而善為容集必飛舞而始下翅背有長翰江東人取為接羅又名曰鶯

鵲

鶯鶯 鶯鶯 姑惡

鶯鶯 俗名八哥五月五日取雛翦其舌圓形能作人言亦可取火

鶯 形如鶴毛羽相似頂不丹有雅俗之別

鶯 鶯之小者曰鶯

翠鳥 俗名魚虎子喜食魚盤旋波面一掠即得穴土為巢味深紅項白

桑扈 俗名蠟嘴兩雅名竊脂著難教以戲舞

竹雞 懷古云泥滑滑多居竹林褐色多斑赤文味美如菌

烏鴉 大嘴性貪鶩鳴聲甚厲南人最惡之北人則喜

雀 一種名金雀色黃一種名十姊妹一種名黃頭善關一種尾短身小棲簷瓦間性最淫

布穀 即鳴鳩三月穀雨後始鳴夏至後乃止因其名呼之取脚脛骨懷之令人夫妻相愛五月五日男女左右收帶之

獸屬

兔 禮記曰明詔言其不瞬而瞭然也為食品

上味越捷善走

獾 獾豚也俗名猪獾一種狗獾俱肥腴多膏居丘墓深穴土人以獵犬捕之皮可為裘

香狸 俗名野猫亦有麝香者筆毫用其脊

獾 多居水次以皮作冠或飾衣服垢膩不染拭之即去

獾 獾之屬獾類短尾尖嘴而黑色味肥

鱗介屬

鱸魚 生松江出長橋南者宜鱸潔白鬆軟不腥在諸魚之上四五月方出長僅數寸狀微似鰻而身有黑點巨口細鱗江中者四腮他處止三腮體黑腮紅不甚雅馴味亦不及金谷園記

鱸魚常以秋仲從海入江羅隱詩鱸魚松江滿箸紅即是物也吳興志鄉俗以鱸魚為盛饌每遇上客新婚燕集必設此盤旬庖丁凌晨羣立

魚市視所買多寡而往裁紅縷白鋪成花草鸞鳳或詩句詞章極其精巧造蓋亦甚得法昔吳

郡獻松江鱸魚隋帝曰金齋玉鱸東南佳味正此謂也又有骨淡羹每所饋悉以骨熬羹淡而有真味昔人珍鱸至此

鯉魚 諸魚之長乃至陰之物其脊鱗一道從頭至尾無大小皆三十六鱗風家忌食

白魚 葉氏避暑錄云太湖白魚實冠天下今澱湖三泖皆有之本名白鱗形窄腹扁鱗細長者六七尺頭腹最肥

青魚 亦作鯖以色名本地產甚少湖雪間人鑿池種之取以作鮓即五侯鯖也

鰱魚 吹沙而游吐沙而食體圓似鱣厚肉重唇其尾不岐

鱧魚 俗名黑魚首有七星夜朝北斗有自然之禮色黑北方之魚也陶弘景曰公蠺蛇所化然亦有子者性至難死猶有蛇性也

鮠魚 無鱗亦鱣屬頭尾身著俱相似惟鼻短口亦在頰下

白鱖魚 長數寸形狹而扁如柳葉鱗細而勻潔白可愛性好羣游取炙脯最堪下酒

虱蟹 其名不典大率是虻蜚望潮之屬作羹最鮮美但擣萬足以供一箸殊傷物命耳

米魚 大者三四尺少鱗有細黑文煮法與黃魚等

鱖魚 形狹而長薄如削木質細鱗白吻上有二硬鬚腮下有長鬚如麥芒味甘美

鰱魚 巨口細鱗質碧色肉味美誤鯁骨食橄欖即愈蘇軾所謂松江之鱖正指此

鯽魚 埤雅云鯽魚旅行以相即故名鯽魚喜偎泥不食雜物能補胃冬月肉厚味佳

鰻魚 產泖湖中者大而美釋名云鰻魚江浦間生鮮肥異常魚

鱖魚 續志魚若披繒故名生淺水中似鯉身

圓頭扁骨軟性喜食泥其子滿腹有黃脂味甘美郡人於湖泥地鑿池仲春取盈寸者種之秋而盈尺池魚之最海中亦有之

鱖魚 博物志吳王江行食鱖有餘因棄之中流化而為魚亦曰吳餘長數寸大如著

銀魚 產泖湖者最細而味美若近城所產長盈三寸者俗呼為麪條魚

黃頰魚 俗名鮠亦作剛頰其頰骨硬故也首尾俱小亦無鱗似鮠而色黃身有黑斑食此魚忌食荊芥

鰱魚 即刀鱖色白多刺產海中者尤佳比目魚 出黃浦形如箭一名箭魚亦名板鰱郭氏曰兩片相合乃可行今見其如浮箬而行殊不相比也味最佳

鰻魚 或曰有雄無雌以影漫于鱖魚則其子皆附于鱖而生故謂之鰻鱖

黃鰱魚 黃質黑章體多涎沫夏出冬蟄水族中最益人

推沙魚 一名吹沙魚無細骨冬月腴極珍至春則尾腐以敗一種短而紅腮者食蝦冬曉悉浮水面吸霜味甚鮮名蝦虎俗呼紫腮鱖惟郊西橫濱涇涿澤有之

鮎魚 釋名鮎魚口腹俱大有齒有胃有鬚鉅細之魚供其口腹

鮠魚 目赤呼為赤眼鮠土人匿水草間釣之得一頭則其羣徘徊尋覓釣取至盡

鱖魚 似河豚而小色淡黃有黑斑味甚腴箭頭魚 形甚似長二寸許俗呼玉筍

螃蟹 出三泖者大謂之泖蟹出上橫澤者小謂之金錢蟹今惟出青浦潘蕩者大而美揚雄方言稱為郭索其殼最銳雄多白膏雌多黃膏性多躁引聲嚙沫至死乃已

彭蠡 似蟹而小似彭蠡而大鄉人取其蟹號為哥嘴世說蔡謨過江食之委頓吐下方知非蟹今鄉俗賤之

鰱魚 形秀而扁微似鮠而長白色肉中多細刺如毛出海中鄉俗以夏至後半月為三時魚盛于四月取迎時之義銀鱗不聚厥味鍾焉存而烹之肥甘莫匹魚中神品

鱖魚 一名王鮪長者有丈餘至春始出而浮陽見日而目眩其狀如鱣而無甲其色青碧其冠鬆脆可愛

石首 俗呼黃魚每夏初買人駕巨舟羣百人呼噪出洋先於蘇州冰廠市冰以待謂之冰鮮鹽曬為鱸曰白鱖金山青村為盛吳地記吳王入海阻風絕糧禱而得此食之美既歸想之制字從美從魚曰鱖或從養省誤一云每歲四月自海洋至其聲如雷海濱人入竹筒探水底聞其聲乃下網取之澄以淡水皆圍圍無力扁身弱骨細鱗黃色如金首有白石二枚堅如玉

鱖 其出與石首同時魚腹有硬刺刺人故名可作鮓

鰱魚 以四保歸涇產者為上

鱖魚 形秀而扁微似鮠而長白色肉中多細刺如毛出海中鄉俗以夏至後半月為三時魚盛于四月取迎時之義銀鱗不聚厥味鍾焉存而烹之肥甘莫匹魚中神品

鱖魚 一名王鮪長者有丈餘至春始出而浮陽見日而目眩其狀如鱣而無甲其色青碧其冠鬆脆可愛

石首 俗呼黃魚每夏初買人駕巨舟羣百人呼噪出洋先於蘇州冰廠市冰以待謂之冰鮮鹽曬為鱸曰白鱖金山青村為盛吳地記吳王入海阻風絕糧禱而得此食之美既歸想之制字從美從魚曰鱖或從養省誤一云每歲四月自海洋至其聲如雷海濱人入竹筒探水底聞其聲乃下網取之澄以淡水皆圍圍無力扁身弱骨細鱗黃色如金首有白石二枚堅如玉

鱖 其出與石首同時魚腹有硬刺刺人故名可作鮓

鰱魚 以四保歸涇產者為上

鱖魚 形秀而扁微似鮠而長白色肉中多細刺如毛出海中鄉俗以夏至後半月為三時魚盛于四月取迎時之義銀鱗不聚厥味鍾焉存而烹之肥甘莫匹魚中神品

鱖魚 一名王鮪長者有丈餘至春始出而浮陽見日而目眩其狀如鱣而無甲其色青碧其冠鬆脆可愛

石首 俗呼黃魚每夏初買人駕巨舟羣百人呼噪出洋先於蘇州冰廠市冰以待謂之冰鮮鹽曬為鱸曰白鱖金山青村為盛吳地記吳王入海阻風絕糧禱而得此食之美既歸想之制字從美從魚曰鱖或從養省誤一云每歲四月自海洋至其聲如雷海濱人入竹筒探水底聞其聲乃下網取之澄以淡水皆圍圍無力扁身弱骨細鱗黃色如金首有白石二枚堅如玉

鯉 身廣而頭銳細鱗而脆骨游于水羣魚隨之食其涎沫有類于娼故名作炙食至美

梅魚 似石首不盈五寸別一種名黃楚

河豚 海及江浦俱有之有毒能殺人一名吹

肚魚甘腴不可言無類無鱗與口目能開合及

作聲凡洗宜極淨煮宜過熟治之不中度不熟

則毒中其毒者水調炒槐花末及龍腦水至寶

丹或甘草水或甘蔗汁皆可解橄欖亦解故羹

中多用之食後服荆芥附子者立死土人每以

三頭爲一部諺云得一部典一稀春初競以餉

客其腹腴爲西施乳蘆芽長尺許便不可食楊

樞松故述云樂宗茂仁和人來同知府事弘治

戊申署上海縣食河豚而死又崇禎庚午春戶

部丁自勸以監兌至郡會公議食河豚而美庖

宰繼進誤中其毒未終席已不救諺云蘆青長

一尺莫與河豚做主客則其時毒尤甚也

蟾蜍 生海邊泥穴中大者青蟬小者黃甲螯

足無毛兩小足薄而闊者曰撥棹子七夕前價

甚貴

白蟹 似蟾蜍而殼稍薄

青蝦 大如掌俗稱對蝦三四月間有之

水母 即海蜃

沙鉤 生海墘沙中聞人聲即走釣取乃得故

名沙鉤漬以甘醲殼軟而味腴爲珍品爾雅翼

云沙狗蘆虎皆蟹之屬故又名沙狗

彭蜩 蜩作蜩又作蟻小蟹世傳漢臨彭越賜諸侯英布不忍視之覆江中化此緣以爲名或

曰粹螺所化膏可塗癰足無毛者堪食海上人以鹽藏之蓄于市樂天詩鄉味珍彭越即此

白蜆 淡菜 牡蠣

蜆 蛭 蛤蜊

海螺 土人以香料熟而賣之今且登几案

金魚 上海好事者畜之以爲磁缸之玩尚短

嘴岐尾又有十二紅十四紅落花一捧雪朱眼

其種類迥異亦得以附魚末云

蟲屬

蠶 鄉俗不事繭絲間有飼蠶者亦不大熟止一二筐以供絨花之用

蜜蜂 鄉人畜之各土蜜冬割取蜜房

蜂 即胡蜂蜚最利

胡蝶 有黃白花三種花者斑斕可愛相傳山

伯英臺所化

蟬 有二種吟風咽露品固高矣如聲聒聒何

螢 腐草所化一名丹良

蜻蜓 淮南子稱水蠆

螳螂 子著桑上名桑螵蛸

絡緯 一曰莎雞俗呼紡織娘

蟋蟀 好鬪勝輒於鳴多有畜之以角戲者

蟋蟀 月令螻蛄鳴即此

蝠 鼠所化能食蚊蚋名夜明沙

蚊 名白鳥惟府學普照寺金沙灘無之

蠅 夏出冬蟄善炎惡涼古人憎之

蝦蟆 喜居濕處背有黑點身小能跳接百蟲解作唧唧聲

蛆 土之精無心之蟲

蟻 一名元駒穴居卵生

布帛屬

木棉布 古名吉貝續志云出沙岡車墩間闊三尺餘緊細若紬其後織者狹幅促度雙殊

於前今所在有之雙廟橋有丁氏者彈木棉極

純熟花皆飛起織布尤爲精輒號丁娘子布又

一種用紫木棉織成色藉而淡名紫花布

番布 出烏泥涇元元貞間有黃道婆者自厓

州來始教製捍彈紡織之具至錯紗配色綜線

挈花各有其法織成被褥帶帨其上折枝團鳳

碁局字樣粲然若寫販鬻旁郡鎮人賴之其後

三紗布滋爲象服綾紋雲朵膝襴習背等樣蓋

出於此明成化間鄉人有以餉貴近者流聞禁

庭下府司織造緒黃大紅真紫等色龍鳳斗牛

麒麟等紋一正有費至百金者弘治在東官深

知其弊即位首罷之嘗閱內帑見之曰此布一

疋文綺十足價也終身不一御自是遂絕又成

化間湘陰宋端知華亭縣以雲布一端獻其師

華容黎侍郎淳淳題其外封曰昔之縣令種桑

拔茶今之縣令錦上添花却還不受

兼絲布 以白苧或黃草兼絲爲之今不復見

又有絲作經而緯用棉紗曰絲布即俗所稱雲

布也近有兼絲木棉製爲絨布其顏色花紋各

異

葉班布 俗呼澆花布今所在皆有之

織納 續志云出下沙其紋如納近郡中復有

之名衲布

綾 一名紵絲綾自唐有之天寶中吳郡貢方

紋綾大曆六年禁吳綾爲龍鳳麒麟天馬辟邪

之紋者夏竦對策宦者以吳綾手巾乞題詩時

貴重如此續志云出御灣服舊可浣今府城東

門尤盛制作之精吳門不及其上供者幅廣而

長曰官綾有素地者爲光綾楊鐵崖所謂研光

綾也一種縝密而輕如縠曰糊縝綾又有葉綾

因當道求索者衆紕薄其質傳葉以緊厚也

只孫 元時貴臣侍宴之服今衛士擊執者服

之紵絲地團花有青綠紅三色

紗 顧志云以上三種今不常見

紫白錦 續志云多爲坐褥寢衣雅素異于蜀

今間有織者

畫絹 張氏倣宋式造

服用屬

翦絨花毯 以棉線爲經采色毛線結緯而翦

之花樣異巧應手而出至今有之

蒲花胖褥 華亭陂蕩多蒲故市人製以貿易

或變爲蘆今亦間有

蒲鞋 顧志云出東門三里汀有極細巧者又

有作長鞦如靴者甚惜足野老多以禦冬

銀器 元時制作極精有唐俊卿與嘉興朱碧

山平江謝君餘並稱

銅器 明萬曆年間華亭胡文明有鑲金鼎爐

瓶盒等物上海有黃燭軒古色爐瓶制皆精雅

細木器 陳志云貨器之類隨時變易或昔有

今無或他郡並產不皆出於松也

櫻笠

牛尾帽

漆紗巾

撥羅絨文縐

梅花燈籠

墨 以上六種今皆無

談箋 有數種惟玉版玉蘭鏡面官箋爲最眉

公題云吾鄉談仲和箋擣染有祕法蓋其祖侍

耶鼻庵公倫得之內府者也妍妙精潔在古密

香冰翼之上董元宰謂其潤而綿下筆瑩而不

滑能如人意之所致今多屬造者

顧繡 上海顧氏露香園製衣衣裙畫幅俱劈

絲爲山水花鳥儼然生動

木屐 較他處堅緻華美

食物屬

鹽 出下沙青村袁部等場色白如雪所謂吳

鹽也陳志云鹽取精于日成形於火靈雨沙淡

久陰沙溼不能成鹽其產鹽之地自寶山至九

團謂之窮海水不成鹽鱗甲亦鮮自川沙至一

團水鹹可煮亦有海錯惟南匯沙嘴及四團尤

饒按濱海鹽場每場祇許用削刀平沙如夜鋪

勻擔水澆曬後用板推夾成一長埂以防夜雨

明晨翻開仍曬如前漸成鹽花盛夏二日秋冬

四日曬力方足嚴冬西北風殊勝日曬也倘將

日蒙旁鑿一井以竹筒潛通之俟沙力既足乃

取短木鋪蒙底冒以稻草與灰然後聚場沙置

蒙上再覆以稻草與灰挑水潑之使水由竹筒

滲入井中是曰滴鹵驗鹵之法以石蓮肉投入

浮者爲真其雜以水者味薄不堪煮石蓮亦沈

矣煎法一竈四錢首鑊近火末鑊近突以次遞

熱運至大錢取惜薪也煎過日而始成鹽煎時

鑊上撈起者曰撈鹽白而乾潔鹽之上者每鹵

二大錢俗呼一盪得鹽可二百觔鹽之盈縮繫

乎雨陽貴賤視乎薪價近者內蕩既皆成田而

海薪復絕况商紀頓貧各電鹽壅爲力勞而獲

又寡煮海之民始瘁矣另有甃磚作場以沙鋪

之澆以滴鹵曬于烈日中一日可以成鹽壘如

水晶謂之曬鹽價倍于常惟盛夏有之不能多

得

酒 顧志云雪香酒味香冽而色白松酒之最

佳者俗以九月初造新酒名開清其品短水爲

上九峯酒次之清酒又次之夏日則用白酒其

佳者曰靠壁清上海有清酒曰燒清冬月造至

夏始開泖濱近有劉氏者汲泖水做三白法釀

酒味亦甘冽俗號劉酒

蠟黃 以菜豆退沙入糖蜜香料揉爲膏片而

齏時爲珍庖

脆梅甘豆 以青梅製脆饅虛其中黑豆巨者

糜鷄之用糖滷豆汁充炙月美供梅已渴黑豆

性涼消暑云

用以餽遺

銀絲豆生 以豆糕麪爲之細如絲髮舊出小

蒸

茶食 有蓼花地黃盒一捻酥等名

線板糖 形如線板

石榴糖 中虛外圓一名毬子二種並出洙涇

雪糕 因其輕白故名

琥珀光 以燒酒爲之用薄荷蘇木白糖加入

色味俱佳

糟蔬 亦顧氏露香園遺法名蔬俱備

欽定古今圖書集成方輿彙編職方典

第七百一卷目錄

松江府部彙考十三

松江府古蹟考一



職方典第七百一卷

松江府部彙考十三

松江府古蹟考一

本府 華亭縣 附郭

府志

周公墩 郡城東南捍海塘外距金山不十里

當潮勢湧猛處蓋古人所築以防海也因周康

王築金山城得名大抵皆烽墩也

石獸 在府東嘗爲變怪夜則環市而走遂斷

其一足

秦皇馳道 郡西北崑山南四里相傳有大岡

路西通吳城即馳道也輿地志始皇東遊至會

稽句章經此漢賈山至言秦皇馳道遍天下此

蓋其一也按崑山南四里即古浦塘然則馳道

即塘之岸也北又有秦皇走馬塘

鸚鵡洲 在海中金山山下北古海鹽州後淪

于海元末潮齧山北岸下瞰橋井猶鑿鑿有得

一碑曰鸚鵡洲界

白苧城 在縣南四十里高一丈周一萬步舊

經云地生野苧因名今俗呼白苧匯

吳王獵場 舊圖經云吳王獵所有五茸茸各

有名在華亭縣谷東又云陸遜生此子孫常所

游獵後人呼陸機茸今其地爲桑陸今府城東

南皆獵場遺址也

三女岡 舊圖經縣東門八十里吳王葬三女

於此樞要云吳王葬妃於此未知孰是明行寺

記云寺近三女岡今南橋鎮北三里有高岡是

其處

烽樓 在亭林南寰宇記南帶海上有烽火樓

基吳時望海處今遺跡猶存

養魚池 喚鶴灘

石幢 在縣治前相傳地有湧泉云是海眼宋

大中祥符十三年立此鎮之

水陸池 在興聖寺池昔有龜數枚聞講經聲

則緣砌而上罷則復去後以其地爲堂谿書院

今池在院中

白燕菴 在賢游涇袁御史凱墓側里人以凱

有白燕詩築庵祀之遂以爲名

迴瀾臺 明馮御史恩築在雲間第一橋西

讀書堆 在亭林寶雲寺後即顧野王修輿地

志處其高數丈橫互數十畝林樾蒼然寺僧嘗

欲作亭其上以奉野王不果今半爲居民所侵

羅漢井 在南禪寺宋崇寧中僧普願於此得

住世羅漢像寺因以興故名水甘冽宜茶汲者

月朔投紙錢一陌明嘉靖僧竹菴浚而甃之

呂公樟 在本一庵宋有回先生過之手植樟

一本於雲堂後數年復來問章公安在無有知

者時樟已枯瘁回取瓢中藥一丸瘻根下人亦

不以屑意爾後樟復榮每葉皆有瓢痕人始悟

呂仙也自是雲水往來必綴其葉昔有人患瘡

穢甚屢行至橋上見道人枕二瓶睡告之以故

曰無妨第隨我行至院中道人揖樹曰樟先生

無恙耶謂患者曰汝但採葉浴瘡當平復耳是

歲疫癘大作土人採葉煎服者立愈亂後亡

安公像 公爲僧泛海而死元時肉身猶存今

不知所存

黃耳塚 在城南二里餘旁有普寧尼寺守之

俗訛黃泥寺述異記陸機少時好獵有家客獻

快犬曰黃耳後機仕洛將以自隨犬點慧解人

意機嘗戲語曰家久無書汝能馳往否犬搖尾

作聲以應之機爲書盛以竹筒繫犬頸走向吳

至家得書還向馳洛後死還葬其家村南二百

步聚土爲墳呼爲黃耳塚劉貢父詩話又以黃

耳爲僕未知何據

龍井 在橫雲山有祭龍壇昔時禱雨處歲久

井湮祠廢

皇清順治十七年夏大旱知府劉洪宗率僚屬步禱

於此甘霖隨應乃捐俸浚治築白龍洞亭於其

上以致祀焉

釣灘 在朱涇鎮唐船子和尚垂綸之地今爲

法忍寺

松澤西亭 船子和尚維舟咏歌處

瑞光井 在超果寺西廡下宋太平興國中僧

慶依奉錢王宮中觀音像來雲間艤舟李塔匯像舒祥光如虹經天下貫此井因名其後浚淤復觀金龜之異邦人病者多汲飲焉其東一井尤甘冽或曰此真瑞光也

顧亭林 因野王居此得名寶雲寺址即其地也有宋唐詢詩

顧府君宅 在亭林鎮顧野王於此修輿地志時呼野王讀書堆北有湖湖南有林因呼顧亭湖亦曰顧亭林宅今爲寶雲寺有沼深黑冬夏不竭云野王墨池有古松云野王手植蓋附會云相傳宅之故垣介一髻雙銀云東七里西七里祇在七七里厥後或識以爲庚語其在漆裏

竊之金也雲間賦云於南迫海野王之所人亡而吾伊聲寂春歸而青深林莽金壁久墟土頽甲第胡爲七七之說而成他人之利正謂此

朱少師彥美宅 在府治後朱家巷致政後自號機山閒人築燕超堂於圃中

柳侍郎約宅 在府治西北柳家巷

衛文節公宅 在府東南蕭塘今爲崇福寺相傳鶴城書院西亦衛氏故宅普照續古錄云朱建炎中寺災至衛宅輒牆始滅近歲居民於古井得巨輒無數皆有衛仲英三字仲英庸敏之子與文節從兄弟也

靜壽堂 衛宗武居張即之書額

樂靜山房 衛仁復之居庸敏七世孫也

石都尉莊 在東泖宋江淮總督石都尉之賜莊有石田飼鶴有石亭有石氏壠跡石總管廟

雲間洞天 錢參政良臣園在府治里仁坊至今指其坊猶稱錢家府云有東巖堂巫山十二峯桃花洞來禽清流杯亭修賜亭杏村橋塢雪窻明月灣諸佳致俱見方秋厓錢府百詠中後峯巖盡廢而居人往往於其地得山石尤奇知府稷山王衡輦置郡圃至今存焉按明一統志

宋錢良臣參大政多訪江南奇花異卉古松怪石以營之其中美景佳致有如洞天故名今錢家巷其遺址也

東阜園 在今披雲門外張塔橋西北宋錢知監別業元時已廢

光風霽月亭 呂九山家

郭珙園 在堂子橋東顧志載城內馬衙東北有養種園俗呼羊涇園有陳家園元至正間春時人猶多游宴於此施家園在施家園元時已皆廢谷陽門外聽鶴亭西有秀野園通波門外有北花園西即採花涇北爲夜游涇亦並廢

樂善堂 趙宗文居

芳桂堂 在烏溪趙弘毅燕處其後古桂森列名人多賦詠之子庭鸞集爲數卷

晚風清亭 在華亭史氏家園米芾書額

眞仁堂 陸和伯刺藥之所

光霽堂 任子文築

蘭谷堂 明張彬之居

竹泉堂 張桓所構

生意堂 郡士謝文彬居知府汪從善書額

五慶堂 蔡君美居君美綿竹人僑居於松五

世共聚一堂吳郡朱澤民作五慶圖柳貫爲之序

不礙雲山樓 張溪楊諫之居元楊維禎有記滄洲一曲 邵文博治園楊溪有綠陰軒流月軒樂琴書處貝瓊爲記

依綠堂 唐子益居其子景熙景道重葺

雙松堂 趙孟頫寓室

草堂 葉以清隱居

果育齋 孫華孫居

雪松巢 陸居仁便室

此山中 馬秀卿郊墅

復庵 盧子聰居

求志齋 陸仲覽居元仇遠有銘

秋圃 華亭陳仁別業

方壺 郡人衛德辰建明華亭鸞湖朱子正閘室數楹亦名方壺

春草軒 別駕謝禮之居

定軒 趙彥同燕休之所

漪南草堂 在魚鱗涇上葉杞寓居貢師泰有序元王逢題辭

白石窩 李介石居又有煮雪齋等齋

古窩 陳珍居元楊維禎記

竹所 余有慶隱居

來德堂 呂良佐居元楊維禎有記

鐵硯齋 呂洵讀書處

五雲窩 呂希遠氏之居又有萬竹樓元霜臺

雙節堂 在墳溪明吳丕顯建又有四畱軒按

元季呂良佐練兵保障一方洪武初恐上疑之命其孫大本易吳姓潛避近里後歸五傳至丕顯為郡倅顯侄炯為太僕云

寧儉堂 在城內悅安橋南吳炯居顧憲成記

清澗堂 在瑣溪夏景淵氏之居

書聲齋 夏士文構以訓子處楊維禎記

芝蘭室 在盤龍岡錢全袞尚友之室黃潛記

漪瀾堂 亦夏士文之園亭也

水雲深處 在青林曹瑣之居貝瓊記

謹節堂 華亭徐彥裕奉母之所

守約齋 在郡西北八里金桓之居

海鶴軒 蕭溪吳景原即居第東偏構層軒養鶴其中王蒙為寫圖陶宗儀記

山舟 千山周氏子鏞鎬藏修之所

澄懷樓 柘湖章仁正得一古琴陰有澄懷字遂取以名其樓錢惟善記之

映雪齋 孫道明之居番陽傅貴全有記

小蓬壺 楊維禎寓所樓名在百花潭上別有柱頰樓草元閣皆為東吳勝閣在迎仙橋西

北崇禎癸未郡人李凌霍重修貝瓊有誌

雙壽堂 在清涇周庠奉親之所嘗迎養京邸亦揭是名

雲窩 在城東張正宗講學授徒之所士從正學而躋青雲者相繼因名其居

丹桂樓 在南錢村廣東食事王祐宅後有紅木樺數株因名傍有賓竹堂聽雨軒

貽穀堂 在秀野橋西北丁孟威居

三貞堂 在東門外明成化初旌表中書舍人張駿家為三貞之門因以名堂三貞者駿母胡氏世母瞿氏楊氏也

曲村居 在下橫涇陝西參政吳行恕其孫河南參政忱皆生於此從村至亭林十里舟行凡數十折因名

鳳山書屋 在府東朱應祥讀書處旁有點易臺洗心亭

瑞芝堂 在金山衛指揮西寧宅堂作於明成化壬寅夏又明年甲辰夏芝生楣間時咸以為瑞因名其堂

綠匯堂 在谷陽橋西南安知府張弼所築須友酌春二堂 在坐化菴東張以誠居

遺善堂 顧文僖清居自記

東莊 在俞塘車墩東孫文簡承恩別業有讀書堂叢桂亭吸月亭悠然亭聯璧池玉虹軒翠雲屏雪香林諸勝

雲屏雪香林諸勝

東阜雪堂 洞涇東孫克弘別業

東老堂 在普照寺側沈霽之居

徐大師宅 仙鶴觀西徐文貞階建內有章賜堂御書樓西偏為世經堂思道軒

三還堂 徐階舊居在城西南隅有湖瀦水階嘗讀書其上故初號少湖

東園 蓬萊巷後徐元春別業

聽玉齋 在集仙街張之象居

狎鷗亭 在瑞鹿橋北李觀察日章吟憩之所

忠訓堂 董漕廳東馮廷尉恩居徐階有記

超然堂 馮時可讀書處

竹素園 在龍門寺旁馮大受構有園居自味竹庭 華亭沈德輝別墅馮為上海掌籍吏刑名多平反元至正間詔免水深長蕩租額鄰縣抑者德輝伸之既而辨論於行省曰恩在普沾省堂是之由是抑累者得蘇鄉人以是多德輝

樂琴書處 明學士沈度之室

小山招隱 在小橫山下孫稷之別業

東郊草堂 蔡君立隱居之所

梅月山房 魯郡士人王靜讀書教授之所

雪巢 在九峯西陸汝抗居

石湖一曲 吳益之居

雍睦堂 明吳文瑞文儀兄弟世居石湖讀書燕樂觴詠於斯顏其堂曰雍睦

養浩樓 吳長史稷讀書之所王守仁題額又有石湖精舍自得園俱在俞塘

改過齋 袁凱之居元楊維禎記

蘭雪陂 劉性初隱所明貝瓊記

凝翠軒 在亭林東姚叔瑜構以訓子宗武讀書之所

筆耕所 吳興錢謙居處

閱耕軒 在橋南明陳士傑田居胡儼有記練子寧有銘

友竹軒 思親堂 俱陳祭酒詢所築有思親堂自味

光節堂 在吉麗橋南任勉之宅楊文貞士奇贈以登科致仕恩榮始終八大字周文襄枕刻

石樹之堂下至今存焉其別室曰袖簡軒

四美堂 任勉之所構以忍讓守勤四字名之

採芝軒 朱秉中讀易之所

世濟堂 東城何鼎祥居七世良醫聞於吳下

人以名其堂

終慕堂 在龜蛇廟左張璠自名其居寓思親

也

卻金堂 張莊懿為按察使時有持金餽其父

端玉求出冤獄者峻拒不納有司遂以扁其堂

云

同善堂 在三里汀西學士錢溥宅

井梧軒 漕涇楊子亨之居

真率園 城東起雲橋側沈太僕愷所築有環

溪草堂清節軒鏡光池采詩樓萃景樓先春可

山浣花諸亭之勝自記

環溪西墅 在馬嶠寺西亦沈愷居

崇蘭館 在蓬萊巷東莫如忠居子是龍又有

石秀齋

陸尚書宅 沙家橋西陸文定樹聲建中為天

壽堂

適園 在北門內陸樹聲燕息之所

梅南草廬 在阮家巷陸彥楨別業有濯錦窩

讀書樓

端詒堂 在周公祠東張承憲居

永福堂 在長生橋東王會建堂北為園池有

九霞閣

萬春亭 在登山主橋西王俞構中有五老峯

嘯園 在繡衣坊北范惟一居內有振文堂天

遊閣

文園 在嘯園西朱大韶居陸樹聲曰客有善

品題者謂朱司成園木石亭樹位置初設而規

模意象大是閱傑其七言賈至早朝乎范太僕

園花木深秀池館竹石清蔚幽麗使人坐嘯忘

歸王摩詰驪山應制一作也而余園可當唐絕

然寂寞短章直五言耳他日客有過太僕園者

稱其幽篁怪石蒼鬱蒼翠澄澈湖傑閣其中掩映

多質任自然而雅有韶致其陶謝韋柳乎

竹溪別業 在黃泥漕西許福居其孫樂善於

旁構適志齋

南州草堂 在郊西瑤潭高士歸田時築

萊峯書屋 在本一院河南周思兼諷詠之所

傲園 在城南何良俊別業有四友齋

望洋樓 在城隍廟西何良俊居因舊業在海

上故以望洋為名

紫岡草堂 在北橋董宜陽居

元賞齋 董文敏其昌書畫之室

貞復堂 在十五保余采居

玉恩堂 在普照寺西林太僕景陽居後有翼

文閣高敞可眺九峯其上藏書數萬卷落成時

得李鄴侯端居室印遂構左室摹其文以頌之

玉蘭宇 在學士里林景陽別業陳道復書額

濯錦園 在北俞塘顧正誼別業有敞開堂天

琅閣

樸菴 在府東倉橋巷顧正誼靜室

照園 在城東積善橋左顧正心築

占星堂 在艾家橋東唐宗伯文獻之居

遺經室 在平政橋南陳仲山授經之所

寶華堂 在思鑑巷章憲文居內有陶白齋

芝園 在馬嶠寺西何三畏築有觀濠堂歌風

館陳繼儒有觀濠堂記

笏溪草堂 在谷陽橋南陸應陽高隱之居有

問雪齋

上海縣

陳朝檜 在靜安寺殿堦左右陸龜蒙皮日休

有重元寺雙檜詩即此宋政和間朱勗畫圖以

進奉旨遣中使取之欲毀山門而出一夕風雨

震雷碎其一右者尚存葉夢得避暑錄以為朱

沖畫旨取平江白樂天手植檜與華亭悟空禪

師塔前檜皆唐時故物按臨安志悟空塔亦有

雙檜東坡所謂當年雙檜似雙童者乃在鹽官

界石林蓋誤以靜安為悟空也今寺已遷檜亡

久矣

古岡身 有三曰沙岡竹岡紫岡在府東七十

里南屬於海北抵松江長百里入土數尺皆螺

蚌殼世傳海中湧三浪而成其地高阜宜菽麥

吳郡圖經謂瀕海之地岡阜相屬謂之岡身此

天所以限滄溟而全吳人也

赤烏碑 在舊靜安寺吳赤烏中天竺康僧會

始入建業創寺曰建初華亭繼有重圓勒碑紀

事宋祥符間勅名靜安至嘉定中依師以址薄

江遷今處碑未及徙而水嚙沒之

湧泉 舊志云在靜安寺前晝夜騰沸梵井作亭曰應天湧泉亭廢井湮有沸井浜在滬濱東西蘆浦中間一水相通特深如井其下二三尺氣稍溫今泉在寺內浜爲平陸矣

綠雲洞 靜安僧壽寧栖息之所檜竹桐柏環植廬外層陰疊翠落人衣帽遊者疑爲華陽小有之境趙孟頫扁以是名楊維禎爲志

丹鳳樓 在縣東北天妃宮宋咸淳八年建三山陳珩書額元楊維禎有詩後幾相傳樓未燬前一日額忽墜地羽士置水中洗滌因而得存若有神護之者明萬曆間里人秦侍御嘉楨擴城樓仍置額其上復爲之記

皇清順治初邑人曹垂璩倡修後住水師營兵日就傾圮康熙二十二年知縣史彩捐俸重葺始煥然一新規模如舊

鶴坡 在下沙鎮此地出鶴俗又謂鶴巢按縣志世傳陸機養鶴處宋沈括云鶴唯鶴巢村所出爲得地他雖有亦凡格也

石筍灘 在下沙捍海塘外抵海三十餘里沙洲中有石如筍者彌望潮汐悍激自建石筍其流遂分本名分水港不知何代易以今名

萬柳堤 柳允中大父植萬柳於龍江堤上因名今廢

文輦洲 在黃浦元末始生尋丈許延廣至數十畝王逢攜里叟門生共登適鳴雉羣集因名雲漢昭回之閣 在蘆子浦南宋淳熙十年端

明殿學士錢良臣建以藏宸翰其額係光宗在

東宮時書今碑存靜安寺閣廢
講經臺 在靜安寺宋嘉定間寺僧仲依築土臺聚其徒講習於此遺址猶存

樓雲館 在開水橋左李水部照祥居雲錦樓 在縣治北下瞰蓮池費案夏月飲賓於此孫雄重修今廢

懷靜軒 在竹園居延馬季子所刱其先世居靜州天山以懷靜名示不忘本也

榆溪草堂 在浦東隱士陶中之居
百客堂 在下沙宋瞿氏宴饗嫺黨之室
琴軒 在上海元瞿霆發善鼓琴聚琴百張構軒居之

尚彝齋 鶴砂朱聽作詩好奇楊維禎名其齋以規之并系以銘曰木以繩而正弓以檄而柔車以規而轉舟以欸而浮惟不彛也繩檄之在規欸之絲惟淑德優而況乎翰墨之游

西郊野趣軒 在黃家關黃銘建
歸鴈亭 費用和嘗畜雙白鴈及二雛於園池元統間去而復還毛羽光潔足銀儼然而園亭適成因以名之

世綵堂 吳會韓震父日升年近八十孫曾滿前楊維禎爲名其堂書之者翰林周伯琦也

古村居 曹迪隱所村以古松得名中有清樂軒瓢樂山房寶古齋

錦溪茅屋 明曹賢構
最閒園 在烏徑鎮王途在青龍移隱於此內有藻德池懷湘坡樂意香臺幽貞谷濯風所

臥雪窩流春石海曙巖
安分齋 朱晦翁書筆勢飛動楊培揭於鶴沙之居

筆議軒 彭汝器手評宋史之所
招鶴軒 在鶴陂薛倫僑寓時所築楊維禎題額錢肅記

葵軒 在華漕朱佑宅
王氏讀書樓 在三十保梅源市王士衡居五世孫圻重修

春華堂 在上澳浦南黃瑾別墅金怡靜書額
曲水草堂 在黃浦南百曲港上姚蒙與其弟臨隱居之所有別室曰海曙丹房俞賓有海曙丹房賦并序

勤織堂 鸞湖蔣惟中建
馬跡堂 在十六保顧望塘唐志大試時其祖權降靈於堂有馬跡之異因名子孫世居於此

梅花堂 宋黃魯直書
秀野堂 宋文信國書張萱並揭於龍華里居

柱石塢 陸文裕深別業自記
後樂園 在黃浦東亦陸深之居

南溪草堂 在肇溪南顧英構元孫九錫重葺
玉泓館 顧從義別業得宜和紫玉泓視因以爲名有舒嘯臺秋波亭墨花菴浴鶴溪諸勝

萬竹樓 在吳匯成廷珪僑居
西溪草堂 在吳匯戴彥文之居內有樛散軒
黃石園 在龍華里張所望別業巖岫林木最爲幽靜有寶穡堂交遠閣野藥亭諸勝今廢

豫園 在縣城內有奇石曰玉玲瓏因類其堂

曰玉華王世貞謂其秀潤透漏天巧宛然為隋

唐時物西園樂善堂其高造雲朱甍畫棟金碧

照耀又有涵碧閣留春窩玉蘭閣晚樓會景

堂無不擅丹雘之美今盡廢

青浦縣

杏花村 在青龍鎮

拂雲亭 在青龍鎮治前監鎮魏大年造四面

植竹萬竿蒼翠扶疎游者疑為淇園渭水之境

云

駱駝墩 又呼落彈墩在崑山北

梁紇廟 在海隅鄉梁紇浦東

八角井 在張涇橋西俗傳陸氏外廚井也其

水通海歲旱投鐵簡其中云能致雨

五色泉 在西湖道院內相傳葛稚川鍊丹湖

上丹成投水後常湧五色泉府人士見者必擡

高第時又舒光如赤虹貫天

沈光碑 在勝果寺宋元祐初有鬼顯異於寺

僧自稱有漢烈士沈光書迹數十字刻石許尚

謂之鬼書

升仙臺 在隆福寺前按續仙傳王可交初居

松江南後入四明不出初無上升事或傳為王

淡交淡交不事繩檢能為詩語多滑稽大似傲

世者然江上有感行石刻云王可交仙壇則或

說又未然也今遺迹具存

綾錦墩 在盤龍塘上錢全袞種桑之所

孔宅 在海隅鄉慧日院側院僧疏廟渠渠得

寶玉六事壁二簪一舊圖經云孔子未嘗

適吳以闕里譜系考之孔子二十二代孫潛後

漢太子少傅避地會稽遂為郡人二十九代孫

滔梁海鹽令三十二代孫嗣哲隋吳郡王簿三

十四代孫頡頤隋州長史登孔氏子孫有僑寓

宦游於吳而遂居華亭者耶廟側又有梁紇廟

其為子孫奉祀之地明矣所瘞壁簪珥之屬其

孔堂之遺寶得非子孫葬所遺衣冠寶璧於是

地乎旁有宰我墩顏淵井此則因孔宅之名而

遷合附會未可知也宅後侵於慧日院今在孔

宅涇北夫子廟在涇南相去頗遠梁紇廟去益

遠疑後人改作元至正間里人張弼建講院以

集鄉俊之來學者後廟貌剝落基址蒿萊萬曆

丙午陸應陽錢大復恢復建俞汝楫陸濟賢贊成

之內有子之燕居堂董其昌為之贊并書額

皇清順治戊子青浦知縣王嶸重修以六十六代孫

興德奉祀圖經云晉鄒湛亦嘗居焉又云鄒孔

宅攷鄒湛傳南陽新野人湛嘗見一人自稱甄

舒仲乃悟曰吾宅西有積土敗瓦其中必有死

人檢之果然厚加殮葬顧志謂傳中初不言宅

在何地湛未嘗仕至吳中姑存此以傳疑按鄒

當是鄒字指梁紇為鄒人故云鄒孔後人見湛

宅有甄舒仲事謬附於此陳志遂引此載入游

寓又云捨宅為慧日院愈以滋疑矣夫云鄒湛

豈得加孔氏上乎按縣志元章弼構廢陸應陽

重建陳功修葺朱天英黃廷瑞成文昌閣燕居

堂方正范登墓文學共祀啓聖宮

陸遜宅 吳地記云漢廬江太守陸康與袁術

有隙使從孫遜與其少子績還吳居於長谷元

和郡國志華亭谷在縣西三十五里故遜封華

亭侯陸抗宅在其側吳地記又云陸機有贈從

兄車騎聘詩髣髴谷水陽婉變崑山陰即其地

也

陸機宅 在崑山下平原村別宅在谷陽門內

今普照寺相傳為陸氏園亭按縣志機詩髣髴

谷水陽婉變崑山陰谷水在邑三泖內則宅亦

屬青浦信矣建康亦有陸機宅李太白集云齊

朝南苑是陸機宅按吳徙都建康機雲分領父

兵為牙門將軍得非居建康而華亭乃其里第

耶有陸機懷土賦宋唐詢王安石詩尚沈遼詩

陸瑁宅 在養魚池上按縣志在瑁湖上

陸錡宅 在錡湖上

袁松宅 舊經昔袁松居此因名按晉史松陳

郡陽夏人隆安四年為吳郡太守嘗築滬瀆壘

以禦孫恩明年遇害或者松歿後其子孫遂居

此乎今其地里曰松子水曰松塘皆其遺迹也

顧謙宅 在府西北崑山里

章桑宅 在青龍鎮桑監亭亭鹽寓於此築思

堂以居子孫家焉

歸來堂 章元澤辭祿奉母之所楊維禎有記

水心亭 在青龍章顏燕處之所二子弼輔翁

揭所志之句曰表裏澄清如此水行藏端正正

吾心

醉眠亭 在青龍江上李行中築蘇軾為之銘

居竹堂 曹和甫即其祖樂靜堂之地植竹千竿重飾園廬以居竹扁其書堂方回爲記趙孟頫書刻石今在華亭縣學

安雅齋 元曹慶孫於居之西偏築此藏修柯九思有記其子宗儒講學之室曰愛日齋

厚堂 曹知白居有池臺苑囿之勝虞集爲之記按青浦縣志在小蒸有古齋土山峯石甚佳取者輒得禍故尚存一二黃潛有記邵亨貞有五日厚堂分韻詩

古齋 亦知白居元黃潛有記

東園 西園 明曹炳其先漢東之地爲之

玩芳亭 朱熙家園

皆夢軒 陳亨道居

林軸軒 張寶賜讀書之所取謝元暉之詩以名按縣志在祥澤里

綠吉亭 在祥澤里盧祥種橘處楊維禎有記

芸閣 在松宅處士顧友實隱居藏書數千卷倪瓚爲之圖

素節亭 江浙行省幕府任豫齋居

萬卷軒 在青龍鎮莊肅聚書之所

積善堂 祥澤張氏所居

三味軒 張麒麟侍之所以菰米蓴菜鱸魚三味奉親故名別有水亭曰靜鑑楊維禎有記

西疇草堂 夏頤貞居

知樂亭 邵桂子養魚池上按縣志介大小蒸間

翡翠碧雲樓 在杜村宋杜衍九世孫元芳建以其高出林表故名中貯書萬卷下有蒼崖碧灣竹深荷靜晴好雨奇諸軒齋凡七十二所別業在東南雲林地島尤勝

嘉秀軒 杜嗣榮之居在潢湖上

蓮巢 在青龍陳氏燕息之所

瑞芳亭 在鳳凰山費氏建趙孟頫書額

環綠亭

總宜吟所 按縣志在谷水上

一枝安 在貞溪明經錢南金居其門人曹幼文所築

太元亭 在瑯湖上徐獻忠之居

梧溪精舍 在青龍江上江陰王逢避地之所逢大母徐夫人嘗手植雙梧於故里橫河之上故以是名其居示不忘也中有羅月山房冥鴻亭小草軒皆自爲記

來青覽暉二樓 青龍任氏延賓之所按明一統志元都水監任仁發建有楊維禎詩

陳徵君宅 在惠燈巷橋西北陳繼儒居按縣志在余山旁有董氏東山草堂徐氏西余草堂來仙堂陳氏蟠仙堂

世桂堂 在洞涇西元李寬中浙魁子萱中永樂鄉試郡守黃子威表其坊爲世桂因以名堂

陳文東書扁

知止堂 義門夏世澤居趙孟頫書額

時春堂 在橫溪朱柯居趙孟頫書額

澱山草堂 李紫質隱居

南村草堂 在泗涇陶宗儀耕讀之所杜待制書額邵亨貞李孝光張翥皆有記袁凱有詩宗儀自有南村十味

晚翠軒 在金澤章文煥居

世慶堂 在廣富林曹廷獻所建其子時中重修

西園 曹時中別業內有宜晚堂

薌林 在小萊徐九齡居元楊維禎有記按縣志在三十五保

一峯小隱 在柳家巷黃公望隱所今爲福泉庵

瓢湖小隱 在澱湖東坳塘之上謝士安隱處

樂全堂 元華亭黃宗武同子璋築在泖濱有虞集記歐陽元詩

小桃源 泖西陳衡園亭堂曰清暉樓曰明遠